

Pigau, adatau e tradusiu de unu libru de Federico Pace, "Senza volo".

"De Ancona si partit faci a is ses de meri. Nci bolit binti oras po arribai finas a Patrasso, po andai de su Tirrenu, intrai in su Mediterraneu, andai conca a su Bidili centru-orientali, e intra de is correnti e is undas, circai s'andala conca a su Mar Egeu. A pitzus de una navi de crociera faci a sa Grecia, a pustis de perlongus e abetus, est partiu in su 1962 su filosofu Martin Heidegger.

... Delos est atesu 95 mighius nauticus de su Pireo e po nci arribai tocat a pigai a mengianu chitzi su traghettu de linia chi andat a Mykonos. Si abarrat acotzaus a su palandrau, s'asulu fungudu de is undas de si mari, is frungidura de is undas. Sa navi sighit a non prus de binti nuus. Nci bolint ses oras po lompi a su coru de is Cicladis. Syros, Tinos, e pagu prima de is duas si arribat a Mykonos. Innoi a s'acabu parit chi binciat sa delusioni. Innoi sa Grecia de s'antigoriu parit perdia po sempiri. De Mykonos nci bolit un'ateru urtиму passagiu de pagu prus de mes'ora de tretu in unu ciu. In s'isula chi est atesu de Mykonos ses mighius marinus, non ddoi bivit giai nemus. Nci funt, in su portu de giai totus is isulas aregas, is feminas chi incortillant is turistas, proponendi domus a stracu baratu.

Corant'annus fais fintzas Heidegger at agatau carchi femina bistra de nieddu. Ddu boliant bendi pannus pintaus e stofas brodadas. Innoi, a sa fini, sa Grecia s'amostat, si fait biri. Delos est sa Manifesta, " s'isula sacra, su coru de sa Grecia". Innoi, po sa mitologia arega, funt nascius Apollo e Artemide . Innoi, a s'acabu, su recatu aregu, si concedi finas a su filosofu tedescu, e su "viagiu est bessiu vacantza", aundi est "permittedu a su nidu, a su sintzillu de s'aberri, de si sciai, cuau aintru de issu e totu, de is montis, e de is isulas, de su celu e de su mari, de is matas e de is animalis". In is costas de un'isula, aundi non ddoi bivit giai nemus, su pensamentu traitori benit bintu.

Asuta de su pillu de s'acqua

(de Parigi a Honfleur)

Cantu prus is acuas funt chietas , aici parint firmas e cristallinas, tanti prus

podint atcai una variedadi e una natura chi non s'abetaus. Una natura chi, si dda castiaus de acanta, s'amostat cun medas trassas e prus straviadora. Aici, fintzas sighendi un'arriu, in una navigatzioni chi parit giai de essi in domu, aundi nci si podit firmari e s'aguantai in is orus, parit ca tocat a s'acostai de prus a s'acua po biri diaderus comenti est. Suba sa Senna, s'acua scurrit chietas, a bellu. Parit unu caloru, chi de sbiàsciu circat s'andala conca a su mari de su Nord.

Ufitziu de sa Limba Sarda

Referenti: Elisabetta Lecca